

## Universitätsbibliothek Paderborn

## Nicolai Mazzotta theologia moralis

omnem rem moralem absolutissime complectens

Mazzotta, Nicolò

Augustae Vindelicorum & Cracoviae, 1756

Quæstio IV. De absolutione Sacramentali.

urn:nbn:de:hbz:466:1-41004

## QUÆSTIO IV.

De Absolutione Sacramentali.

Absolutio Sacramentalis peccatorum est Forma, in qua præcipue est vis hujus Sacramenti, ex Trid. self. 14. c. 3. & differt ab ablolutione à censuris, quia hæc est extra sacramentalis, & tantum absolvit à pænis Ecclesiasticis. Videndum, in quo consistat, quando, & quomodo danda sit, vel iteranda, & num aliquando neganda, vel differenda?

#### CAPUT I.

In quo confistat Absolutio Sacramentalis?

Ico primo: Abfolutio Sacramentalis essentialites confiftit in verbis formalibus: Doctores communissime, ita ut Suar. dicat, esse certum; Lug. Am. Avers. & alii dicant, oppositum esse errorem, vel haresim. Ratio deducitur ex Traditione, & perpetuo ulu Ecclefiæ: unde Florent. in Decr. Eug. ad Armen. docet, Formam hujus Sacramenti esse Verba absolutionis, quæ Sacerdos profert; & Trid. cit. In illis Ministri ver-Neque obstat, quod absolutio à cenbis positam ese. furis dari possit scripto, aut etiam signo, & tantum num faltem à Pontifice. Nam hæc non est Sacramentalis, & est ex institutione Ecclesiæ; at absolutio à peccatisest Sacramentalis, & ex inftitutione Christi dari tantumpotest verbis formalibus, ut constat ex Traditione, & Conc. cit. Hinc Sacerdos mutus, etfi in articulo mortis absolvere possit nutu, aut signo à censuris; at nullatenus absolvere potest à peccatis, ut docent comminissime contra Joann. Pont. apud Dian. pag. 1. tract. 6.

Infers primo, non folum illicitam, sed invalidam effe absolutionem Sacramentalem datam absenti; quia nemo in absentem uti potest verbis formalibus. Him Clem. VIII. ann. 1602. Constit. 87. damnavit, ut salsam, temerariam, & scandalosam hanc Prop. Licet per litteras, aut internuncium Confessario absenti peccaia Sacramentaliter consiteri, & ab eodem absente Sacramentalite absolvi. Additque excommunicationem reservatam in eos.

eos, qui illam in aliquo fensu tamquam probabilem defendunt, aut in praxim quovis modo deducunt: atqui, si talis absolutio posset esse unquam valida, Pontifex non posset eam prohibere in omni casu; cum jure Divino, ac naturali suisset licita in casu extremæ necessitatis pro moribundo absenti: ergo dicendum, esse omnino invalidam. Et, quamvis multi cum Palud. D. Anton. Sot. Med. & aliis antea dixerint tunc posse, tamen in Ecclesia nunquam suit positum in praxi. Quod autem sertur de D. Th. Cantuar. de D. Cypr. & cap. Qualis 30. q. 5. intelligitur de absolutione à censuris, vel testimonio resipiscentiæ.

Infers fecundo, Ad valorem absolutionis Sacramentalis essentialiter requiri præsentiam moralem, hoc est, ut tam parum distet pœnitens, ut, quamvis non sit necesfarium audire verba absolutionis, posset tamen audire confessarium absolventem voce communi etiam aliquanto altiore, qua scilicet uti solet Judex pronuncians in Curia sententiam contra reum, quia sic verificatur loqui formaliter, & particula Te directa ad præfentem. Quod maxime valet in absolutione, quæ datur pluribus simul in casu Prælii, Terræmotus; &c. dicendo, Absolvo Vos, &c. tot enim tunc absolvantur, ad quot pertingere posset vox loquentis ad præsentem, & verificari ly Te: ordinarie tamen expedit absolvere voce submisse, ne circumstantes advertere possint, quando negatur: Croix num. 652. Hinc Gob. t. 7. num. 288. ait, fe, fi aliter commode nequeat, fine scrupulo absoluturum eum, qui adhuc est intra cancellos Confessionalis, non jubendo iterum genuflectere. Et Bon. Lug. Tamb. & alii dicunt, si non posset commode vocari, adhuc absolvi posse pœnitentem abeuntem à Confessionali, & aliis vicinis permixtum, quia adhuc est moraliter præsens. At nimis laxum est, quod addunt Bon. Leand. Moy. & alii, fufficere, quonsque Confessarius aliquo sensu percipere possit pœnitentem, etiamsi distet ad 20. passus, ut addit Molf. nam certum est, me posse videre simpliciter abfentem, quin possim absolvere, & verificare particulam Te: Tamb. & alii. A fortiori rejicitur communiter Leand. dicens, Sacerdotem, modo videat domum moribundi, posse illum absolvere: nam sic nullo sensu illum percipit, nec ullo pacto dici potest simpliciter præfens: Tamb. Gob. & alii communiter.

Ll 2

Dico

ma.

Trid,

quia

ando,

5

aliter

mmu-

Arr.

o ula

1. do-

tonis,

i ver-

cen-

nutu talis,

tisett

mpo-

, &

mor-

t nul-

nmu-

ect. 6.

m el-

a ne-

Hine

lfam,

litte acron

aliter

eos,

Dico secundo: Ad essentiam absolutionis Sacramentalis non videntur sufficere hæc tantum verba Absolvo te,
ut probabiliter docent D. Th. D. Anton. Suar. & alii
communiter ex Catech. Rom. sed requiritur insuper A
peccatis; ut probabilius docent Gabr. Lug. Avers. Arr.
Palud. Major. Pasqual. Martinon. Gorm. & alii. Ratio
est, quia Christus instituens hoc Sacramentum Joan. 20,
expresse ait, Quorum remiseritis peccata: sicut ergo,
quia dixit Quorum, exprimendum est Te; ita, quia dixit peccata, exprimendum est, A peccatis. Idque est
verum, etiamsi pœnitens unicum habeat peccatum post
baptismum; quia ex communi modo loquendi sape ponitur plurale pro singulari; ideoque nec in Rit. Rom. ponitur necessario ly Ab omnibus, sed tantum A peccatis.

Objicies: Dum Confessarius dicit pænitenti, Absolvo Te, ex circumstantiis confessionis factæ, & simul ex intentione Confessarii sufficienter determinantur hæc verba ad significandam absolutionem à peccatis: ergo non requiritur essentialiter, ut expresse dicatur A peccatis.

Respondeo, nego consequentiam. Christus enim pro forma absolutionis Sacramentalis assumpsit solum verba, ut à Sacerdote prolata, ac per se ipsa determinate significantia absolutionem poenitentis præsentis à peccatis, & non mere determinata ex circumstantiis: aliter sufficeret etiam, si Consessarius digito demonstrans ponitentem præsentem, & confessum, dicat tantum, Absolvo; cum ex circumstantiis etiam pateat, velle eum absolvere à peccatis, quod tamen communiter rejicitur contra Sot. male in hoc audientem, teste Avers.

Infers primo, Non requiri essentialiter ly Ego, & ly Tuis; quia primum sufficienter exprimitur per personam primam verbi Absolvo, secundum per primitivum secundæ personæ Te; peccat tamen Consessaria sacomittens contra consuetudinem, & præscriptum Ecclesiæ; venialiter tamen, quia parum notabilis est hæcmutatio; mortaliter vero peccat, si omittens ly Te, dicat Absolvo à peccatis tuis, quia valde notabilis est mutatio; etsi valeat ea absolutio, cum ly Te includatur in ly Tuis: Croix à num. 639. Item venialiter peccat, si pro ly si dicat Dominationem, Excellentiam, Majestatem tuam, Esc. Et similiter, si absque necessitate absolvat simul plures, dicendo Vos, Esc. Henr. Val. Reg. & alii contra Scot. Gabr. Con. dicentes, in hoc peccari mortaliteri item

item venialiter peccat, si sciens latino, absolvat vulgari idiomate: Vasq. Dicast. & alii.

Infers fecundo, Quod, quamvis Christus in institutione hujus Sacramenti dixerit Remiseritis, tamen Ecclesia ex traditione merito utitur synonymo, Absolvo, ad significandam sententiam judicialem Confessarii contra Hæreticos damnatos à Trid seff. 14. cap. 6. can. 9. dicentes, absolutionem Sacramentalem Sacerdotis non esse actum judicialem, sed nudum ministerium pronunciandi, & declarandi, remissa esse peccata. etsi peccata pœnitentis fuerint ante remissa à Deo per contritionem, adhuc tamen Confessarius vere dicit Abfolvo, etfi nihil tunc fit absolvendum, quia verba absolutionis Sacramentalis ex humana institutione habent hunc fensum; Quantum est ex me, judicialiter libero te à peccatis; & rurfus in institutione Christi habent hunc alium sensum: Quantum ex me est, confero tibi gratiam per se remissivam peccatorum, adeoque, quæ remitteret. fi non inveniret jam remissa: & revera Deus per infulionem novæ gratiæ iterum cedit jure ad odium pec-Cæterum valet absolutio, fi catoris: Croix, & alii. dicas, Remitto, Condono, Solvo, Libero te à peccatis, quia funt fynonima; peccas tamen faltem venialiter contra confuetudinem, & præscriptum Ecclesiæ: si autem dicas, Mundo te à peccatis, est adeo notabilis mutatio, ut fit dubium de valore, cum nullam habeat speciem judicialis sententiæ; & à fortiori, si dicas modo deprecativo, O Deus, absolve hunc à peccatis : D. Th. & alii: idemque ait Lug. contra Arr., fi modo imperativo dicas, Absolvat te Deus à peccatis. Et Croix num. 639. etiam dubitat de valore, si dicas, Sis absolutus, vel Absolvaris à peccatis. Valet tamen, fi dicas, Jubeo, volo te absolutum à peccatis; Tu à me absolveris à peccatis, &c. quia adhuc exprimitur actus judicialis.

Infers tertio, Non requiri ad essentiam absolutionis Sacramentalis ly In nomine Patris, &c. Doctores communissime contra Dur. & Aur. quia nullatenus id exprimitur in verbis Christi instituentis hoc Sacramentum; sed tantum in forma baptismi exprimuntur, Matth. 28. Baptizantes eos in nomine, &c. & ratio diversitatis esse potuit, quia baptismus est speciale Sacramentum Fidei; ideoque merito Christus in eo requisi-

enta-

o te,

alii

er A

Arr.

Ratio

1. 20, rgo , ia di-

e est

post po-

..po-

is.

Tolvo

l ex

ver-

non

S.

pro

rba,

igni-

atis,

fuf-

pœ-

Ab-

eum

citur

, &

erlo-

vum

hæc cle-

mu-

licat

tio;

1115:

7 Tt

am,

mul

con-

ter: tem

vit professionem Dei Unius, & Trini; quæ ratio non militat in Sacramento pœnitentiæ : peccat tamen faltem venialiter Confessarius id omittens contra confue. tudinem, & præscriptum Ecclesiæ. Cæterum, siomittat ante confessionem dicere, Dominus sit in corde tuo, &c. & ante absolutionem, Misereatur tui, &c. & post absolutionem, Passio Domini nostri, &c. non peccat, quia dicuntur ex consuetudine libera : Lug. d. 13. num. 9. Ait tamen Gob. num. 161. addendum ly Paffio Domini nostri, &c. etiam poenitente recedente; quia per hæc verba probabiliter elevantur omnia opera bona illius ad satisfactionem Sacramentalem, eaque de caufa posse minui pœnitentiam, juxta Nav. & Diam. pag. 3. tract. 4. r. 82. Itaque sufficit ex Rit. Rom. incipere, Dominus noster Jesus Christus te absolvat, &c. . . . & in confessionibus brevibus addere: Em absolvo te à censuris, & peccatis tuis in nomine, &c. & in confessionibus longis, Absolvo te ab omni vinculo excommunicationis (suspensionis, si sit in Sacris) & Interdicti, &c. Ego absolvo te à peccatis tuis in nomine, &c. Addit demum Gob, num. 161. si multi adfint poenitentes, etiam omitti posse ly Dominus nofter, Ec.

Quæres primo, Quomodo danda sit absolutio Sacra-

Respondeo, Servandam esse consuetudinem cujusque loci, & Ecclesiæ, ex Rit. Rom. Quidam absolvunt tecto capite, quo se judices ostendant, ut volebat Sa: quam tamen sententiam expunctam ex ejus libris abacris cenforibus testatur Raynaud. Mos ergo communis est, ut fiat detecto capite, ut fignificetur absolverenomine Christi. Gob. non damnat peccati eum, qui absque scandalo absolvit tectus pileolo plicatili. Item communiter elevantur manus ad verba, Dominus noster, &c. & formatur Crux ad verba, In nomine patris, &c. quæ tamen omittere per se non est peccatum, ut 110tat Croix. Nec hodie obligat mos antiques imponendi manus capiti pœnitentis, ex quo hoc Sacramentum vocabatur Impositio manuum: Gob. num. 163. Item Confessarii seculares utuntur superpelliceo, & stola, quando in templo publice absolvunt; & alicubi est ess injunctum sub censura. Item sedendo absolvitur etiam Rex, vel Pontifex, quia tunc confessarius est Judex

Quozd modum internum, danda est absolutio cum debita intentione faltem virtuali; item cum debita attentione, ita ut distractio voluntaria sit saltem grave veniale: Gob. tract. 7. num. 177. Si vero erret circa perfonam, putans Titium, quem absolvit, esse Cajum, valet; quia intentio faltem virtualis est absolvere præsentem : Doctores communiter. Si absolvat Sacramentaliter coactus metu gravi, adhuc valet, modo metus incussus sit à tertia persona, & pœnitens bona fide accesserit; quia sic nullo jure irritatur. Uti econtra irritatur absolutio à censuris data ex metu, ex cap. Un. de his, que vi. Denique, fi duo Sacerdotes accurrentes ad moribundum absolverent, ita ut finguli habeant hanc intentionem conditionatam, Si alter non absolvat, tunc neuter absolvit, quia neutrius purificatur conditio: Suar. d. 23. f. 3. Si autem absolute uterque absolveret, conficerentur duo Sacramenta.

Quæres fecundo, An abfolutioni Sacramentali præmittenda fit abfolutio à cenfuris?

Respondeo affirmative, Ita ut graviter peccet Sacerdos, fi putans, poenitentem effe excommunicatum, etiamfi excommunicatione minori, abfolvat à peccatis, antequam absolvat à censuris; quia Ecclesia graviter prohibet, ne talis ullum recipiat Sacramentum: Suar. & alii communiter. Quare tunc Confessarius teneretur fubjungere absolutionem ab excommunicatione, non tamen repetere absolutionem à peccatis, quia excommunicatio non obstitit Sacramento, quando pœnitens non fuit in culpa: Suar. d. 31. Nav. & alii contra Sancium, & alios. Si autem Confessarius intendens agere, quantum potest, solum protulit absolutionem à peccatis; tunc, si habebat facultatem absolvendi à censura, satis probabile est, etiam absolvisse ab illa, quia in absolutione à peccatis videtur includi etiam ex ea voluntate absolutio ab omni eo, quod è peccato nascitur: Suar. Tamb. & alii: quod præfertim valet, cum pænitens agit animam, ita ut fit periculum mortis, antequam detur abfolutio à peccatis. At, si Confessarius non habebat facultatem super censura, pœnitens ab hac non fuit abiolutus, extra articulum mortis; quamvis ob bonam ejus fidem maneat absolutus à peccatis, quæ subjecta erant huic Confessario: Croix num. 1569. Cæterum Sulpensio, & Interdictum, cui poenitens non dedit caulam. 114

non c

n fal-

nfile.

omit-

tuo,

z post

ccat,

num.

Do-

a per bona

cau-

Dian.

Rom.

Ego

nculo

7 In-

nomi-

i ad-

S 710-

асга-

ifque

Sa:

unis

110-

abs-

om-

ter,

110-

nen-

tum

ola,

eis

iam

lex.

oad

fam, ex cap. Alma Mater, cum non privent usu passive hujus Sacramenti, non foret mortale, si absolverentur post absolutionem à peccatis: regulariter tamen absolvi debent ante.

Quæres tertio, Quænam sit forma absolvendi à cen-

Respondeo, Quamvis sufficiant quæcunque verba, imo etiam figna, & nutus externi cum intentione interna; tamen ex Rit. Rom. funt fequentes : Primo, Pro foro interno: Absolvo te ab omni vinculo excommunicationis (Suspensionis, si pœnitens sit in Sacris) & interdicti, quantum possum, & tu indiges; Et in brevibus Confessionibus, Absolvo te à censuris, & peccatis tuis, Esc. juxta jam dicta : quod fi ex delegatione ex litteris S. Pcenitentiariæ, aut Episcopi, absolvas in eodem foro, dicas: Auftoritate SS. Domini nostri Papa (vel RR. Episcopi) mihi concessa, absolvo te a vinculo excommunicationis, in quam incurrifti (vel incurriffe declaratus es) propter tale factum (vel Causam) & restituo te communioni, & unioni Fidelium, & Sacramentis Ecclefia, in nomine, &c. Si vero agatur de Irregularitate incodem foro, dicatur post absolutionem à censuris : Esdem auctoritate dispenso tecum super irregularitate, in quam ob talem caufam (hanc nominando) incurristi, 8 habilem reddo, & restituo te executioni ordinum, & officiorum tuorum, in nomine, &c. At, si detur absolutio à censuris publice, & pro foro externo, sunt plures caremoniæ fervandæ, ut habetur in Rit. Rom.

Quæres demum, quomodo exequendæ fint litteræ S. Pænitentiariæ pro abfolutione à Cenfuris, &c.

Respondeo, De hoc actum esse in Tract. de Legib. dis.
4. quæst. 3. c. 1. ex quibus solum noto primo, Si dicat, ut absolvas ab omnibus reservationibus, & censuris, Quas propter præmissa quomodolibet incurrerit, Krimer ait, etiam posse absolvere ab iis, quæ non ex peccato, ob quod dispensatur, sed aliunde proveniant, quia Pontisex tacite vult removeri, quidquid dispensationem impediatars. c. Præterea, de off. & potest. Jud. Del. sed contradicit Croix, quia dispensatio non trabitur ad disparata Secundo, si pænitens nolit secum dispensari, aut non posse ex desectu alicujus conditionis, &c. nec posse absolvi à Censuris, &c. quia additur ibi, Ad esse ambiolvi à Censuris, &c. quia additur ibi, Ad esse ambiolvi à Censuris, &c. quia additur ibi, Ad esse ambiolvi accensissements.

concessa gratia. Tertio, Si dispensatio danda effet faltem post duos, aut tres annos, posiet etiam nunc abfolvi in ordine ad illam tunc ab eodem accipiendam; Lugo, Gob. num. 199. & fic, etiamfi interim relabatur in easdem censuras, &c. quamvis dicatur, Hac vice abfolvas; quia durat hæc potestas, quamdiu ex rationabili causa durat executio dispensationis, quæ est ejus finis: Gob. num. 204. Quarto, Si dicat, ut injungatur Gravis pænitentia, & pænitens antea confessus proportionatam pœnitentiam accepit, aut lucratus est Indulgentias, aut accedat cum magna contritione, gravis pænitentia mutari potest in levem: Gob. n. 208. Secus vero, fi ibidem determinetur in specie, ut fi dicat, Confessionem unam singulis mensibus, hæc durabit tota vita, eth poterit eadem confessione menstrua satisfieri alii obligationi.

## CAPUT II.

Quando, & Quomodo danda sit, vel iteranda Absolutio?

Confessario, ut licite absolvat, constare moraliter debet, Pœnitentem esse rite dispositum; quia secus exponeret Sacramentum periculo frustrationis: Busemb. & alii communiter. Verum hæc moralis certitudo non est accipienda absolute, sed respective ad pœnitentem, ex quo, si haberi nequeat notitia major, quam probabilis, & aliunde non appareat grave motivum in oppositum, ea erit sufficiens certitudo moralis respectiva. Hoc supposito

Dico primo: Confessarius, qui audivit in confessione peccata Pœnitentis, & prudenter judicat rite dispositum, seque præditum juridictione in illum, tenetur sub gravi eum absolvere: Doctores communiter. Ratio est, quia talis Pœnitens per confessionem acquisivit jus ad absolutionem, etiamsi confessius fuerit tantum veniale, cum semper sit jus grave ratione gratiæ acquirendæ per sacramentum: ergo, &c. Hinc absolvi tunc debet absolute, ita ut graviter peccet Confessarius, si eum absolvat conditionate, utpote constat jus absolutum: Lug. d. 17. s. Item per se loquendo absolvi debet statim, ob eandem rationem; ideoque in Jansenistas damnatur absolutionate.

livo

ntur

olvi

cen-

ba,

in-

mo,

uni-

illa

ibus

tuis,

teris

1 fo-

(vel

com-

efia,

100-Ea-

in 8 of

utio

cæ-

æ S.

dif.

cat,

ris,

mer

, 00

ifex

liat:

tra-

ata.

non

flet

tum

COH-

Alexand. VIII. hæc Prop. 17. Per illam praxim mox absolvendi ordo pænitentiæ est inversus. Monent tamen communiter Doctores, aliquando per accidens posse differri tali Pœnitenti absolutionem, si nimirum prudenter judicet Consessarius, eam dilationem redundare in majus ipsius bonum, pro concipiendo scilicet majori horrore peccati, acriori dolore, ac firmiori proposito; sic enim non facit contra ejus jus, fed favet potius, agitque officium boni Medici, prout infirmitas ejus postulat. Cæterum, id ne fiat in articulo, vel periculo mortis, neque in casu necessitatis communicandi ad vitandum scandalum, vel infamiam; neque, fi alias diu careret opportunitate confitendi; neque, fi alias non posset lucrari indulgentiam; quia fic non esset majus ejus bonum;

Lugo ibid.

Dico secundo: Si Confessarius prudenter dubitet de dispositione Pœnitentis, non potest eum absolvere absolute, potest tamen, & aliquando debet eum absolvere conditionate: Doctores communiter. Ratio est, quia, fi cum tali dubio absolveret absolute, exponeret Sacramentum periculo frustrationis. Quia tamen aliquando charitas exigit consulere optimo modo saluti talis ponitentis, ideo aliquando potest, ac debet absolvi sub conditione, per quam etiam providetur reverentiæ debitae Sacramento: puta in articulo mortis, si prudens sit dubium, utrum vivat, an exspiraverit? Utrum signa, quæ dat, fint contritionis, an morbi, &c. tunc enim omnino debes absolvere sub conditione, Si capax es, fi es dispositus, &c. idque, etiamsi valde tenuis sit probabilitas, quod vivat, quod fit dispositus, juxta dicta q. 1. c. Similiter pueri, semifatui, aliique, de quibus prudenter dubitas, an habuerint usum rationis sufficientem ad peccandum, an sufficienter doleant, ut oportet, an integre confiteantur, &c. absolvi debent sub conditione in his circumstantiis; nempe tempore Præcept Paschalis; in casu necessitatis ad vitandum scandalum, aut infamiam; si alias diu carere deberent confessione; &, ut addit Gob. si aliter lucrari non possent indulgentiam. Extra has circumstantias, si afferant materiam de se gravem, & dubium sit, an in ea revera peccaverint, an sufficienter doleant, &c. debent etiam absolvi fub conditione, ne, si forte peccaverint, vivant in peccato: at, si afferant materiam de se levem, & dubium fit, an simpliciter in ea peccaverint, an doleant, &c.

Sporer, & alii dicunt, non posse absolvi, ne sub conditione quidem, quia, cum nulla sit necessitas, sieret injuria Sacramento. Laym. Dian. Dicast. Lug. num. 22. dicunt posse, tum ne priventur gratia Sacramenti, tum ne, si forte habeant mortale occultum, vivant in eo statu. Cæterum, si nullum afferant materiam, vel nulla sit, ne tenuis quidem, probabilitas dispositionis, non possunt ne in articulo quidem mortis absolvi sub conditione, juxta dicta q. 1. c. nuper cit.

Quæres primo, An, quando absolutio datur sub conditione, debeat hæc exprimi verbis?

Respondeo probabilius negative; quia conditio, etiamfi mente tantum lit appolita, adhuc reddit absolutionem conditionatam, cum abfolutio fecundum fenfum à Chrito intentum tacite involvat conditionem hic & nunc necellariam, juxta valorem Sacramenti: Con. Lell. Dicait. & alii contra Caramuel. & Haunold, dicentem, regulariter fore peccatum, fi non exprimatur. Addunt Croix Pal. Gorm. & alii, fæpissime non expedire, ut exprimatur, præfertim fi prævideatur offensio pænitentis. Addit Gob. t. 7. n. 271. sufficere, si conditio habeatur implicite in mente Confessarii, qua scilicet vult audire confelfiones secundum institutionem Christi, & intentionem Ecclefiæ. Cæterum, fi in casu necessitatis ad vitandum fcandalum, &c. absolvas sub hac conditione, Si habeo facultatem ad reservata, de qua prudenter dubitas, debes id manifestare pœnitenti, ut postea videatur, an teneatur adire Superiorem pro illis. Denique, fi abfolvas sub conditione de suturo, puta Si restituet, &c. peccas mortaliter, quia, cum nequeat suspendi Sacramentum, esset simpliciter nullum. Si autem absolvas fub conditione de præsenti, sed omnino extrinseca Sacramento, puta, Si est vir nobilis, &c. peccas quidem, fed valet Sacramentum, fi ille revera lit talis.

Quæres fecundo, An aliquando iteranda fit abfolutio?

Respondeo, Esse ex genere suo sacrilegium mortale iterare absolutionem eorundem omnino peccatorum in eadem confessione; quia secunda absolutio est irrita ex desectu novæ materiæ, scilicet novi peccati, vel novi doloris: Bonac Gob. t. 7. num. 171. Si vero pænitens statim post absolutionem addat nova venialia, vel circumstantias non notabiliter aggravantes, non est necesse.

10x

nen

dif-

iter

jus

ore

nim

que

æ-

que da-

01-

rari

m;

de

100

ere

lia,

ra-

100

œ.

lub

bi-

fit

na,

ıım

es,

10-

Cta.

ous

en.

et,

dipti

III,

e;

am

re-

lyi

ec-

ım

20.

er,

iterum absolvere; si tamen absolvas, expedit id facere fubmissa voce, nec formata cruce (uti etiam sieri debet, fi afferat novum mortale) ne scilicet Circumstantes fuspicentur attulisse aliquod grave: Croix n. 644. At, s rationabiliter dubites, an absolveris poenitentem, an protuleris verba effentialia, an cum debita intentione, &c. teneris (& quidem sub gravi, si poenitens confession sit mortalia; si venialia, & sit innocens anima, probabiliter sub levi: Gob. t. 7. n. 171.) iterum absolvere sub conditione mente concepta, Si antea non absolvi, si prior non fuit valida, &c. Quod, si poenitens surrexit à confessionario, potes eum discedentem submissa voce absolvere, modo adhuc lit moraliter præfens, juxta dicta c. 1. Imo etiam poteris multo post, si videas, eum petere communionem, quia adhuc censetur dispositus: Gob. & alii. At, si ille jam abiit, & confessus suit mortalia; tunc, fi est periculum, ne amplius consiteatur (ut esfet graviter ægrotus) teneris etiam cum tuo graviincommodo illum reperire; quia tunc est periculum mortis æternæ illius: Tambur. Lugo, & alii. Si vero tale periculum non fit, fed potius spes, ut iterum confiteatur, non est tanta obligatio; quia in sequenti confessione indirecte absolvetur ab aliis antea non absolutis: Tambur. 1. 3. Conf. c. 8. num. 5. Quare, fi iterum redeat ad confitendum, excita in eo dolorem de omnibus tibi confessis, & absolve, tacito tuo priori defectu; si non redeat, debes, si commode potes, invenire, & monere de tuo defectu, petita prius licentia, & probabiliter etiam non petita, imo etiam negata; cum hæc absolutio spectet ad conficiendum Sacramentum inceptum jam, & nondum completum: Suarez, Fil. Hurt. Laym. & alii apud Croix num. 1775.

Quæ dicta funt, procedunt, quando dubium est rationabile. Nam, si sit leve, an absolveris, necne, &c. Gob. num. 171. dicit, esse mortale, si repetas etiam sub conditione absolutionem, quia amoveris ex inani dubio, & imprudenter in materia gravi. Tamb. l. 1. de Sacr. c. 1. S. 3. dicit, esse tantum veniale, quia non irrogatur, nisi levis imprudentiæ injuria Sacramento. Croix l. c. ait, plurimos Confessarios in talibus repetitionibus omnino excusari ideirco, quod non apprehendant vanitatem sui scrupuli, aut in eas compingantur angustias, ut apprehendant peccatum sive repetant, sive non repetant;

petant; cum tunc sit minus malum iterare; Non enim temeritas intervenit præsumptionis, ubi est diligentia pietatis, inquit S. Leo. Cæterum ex eo, quod protuleris formam distractus, non habes rationabilem causam dubitandi, an revera integre protuleris: fimiliter, fi ob distractionem ignores, an protuleris verba esientialia, fed scias, te dixisse In nomine Patris, &c. nisi vero non fis habituatus integre omnia proferre: Gob. n. 176. Si autem fine determinatione, utrum velis absolvere à cenfuris, an à peccatis, dicas Absolvo te, non peccas, fi, statim ac te determines, repetas eadem verba, quia probabile est, in his tantum verbis non contineri absolutionem Sacramentalem, & potes inter probabiles fequi tutiorem; uti neque peccas, fi non repetens determines voluntatem profequendo, quia fufficit, fi verba abfolutionis habeant iuam determinatam fignificationem, quando profertur ultima fyllaba: Gob, t. 7. n. 155.

#### CAPUT III.

An aliquando neganda sit, vel differenda Abso-

VIDENDUM I. de ignorante Mysteria Fidei: II. de habente occasionem proximam: III. de Recidivo.

#### g. I.

## Quid de ignorante Mysteria Fidei?

Dico primo: Qui five culpabiliter, five inculpabiliter ignorat hæc duo Mysteria, Quod unus Deus sit, a quod Remunerator sit, nullatenus potest absolvi. Ratio est, quia horum sides explicita est necessaria necessitate medii ad justificationem, ex Apost. ad Hebr. 11. Accedentem ad Deum oportet credere: quia est, & quod Remunerator sit: ergo adultus, qui hæc ignorat, non potest justificari per Sacramentum Pænitentiæ: & consequenter ne in articulo quidem mortis potest absolvis sub conditione, sed debet prius breviter de his instrui, ita ut explicite ea credat; aliter est certo indispositus.

acere

ebet,

s fu-

it, fi

, an

, &cc.

1s fit

abili-

e fub

prior

COII-

bfol-

dicta

pe-

Gob.

alia; t ef-

norvero

con-

olu-

ite-

de-

tia,

inurt.

tio-

&c.

pio,

acr.

ga-

OIX

bus ini-

25,

rent;

Dico fecundo: qui five culpabiliter, five inculpabiliter ignorat hæc alia duo, Trinitatem, & Incarnationem, non potest licite absolvi extra articulum mortis. Ratio est, quia, quamvis multi cum Gran. & Sanchez probabiliter dicant, hæc duo mysteria esse necessaria tantum necessitate præcepti; tamen alii communius cum Suar. Con. Sot. probabiliter, imo & probabilius docent, elle necessaria necessitate medii: ergo, si Confessarius talem ignorantem absolveret, peccaret sequendo primam opinionem probabilem relicta fecunda tutiore, adeoque exponendo Sacramentum periculo frustrationis; quod damnatur ab Innocent. XI. Prop. 1. Ideoque ab eodem damnatur hæc alia Prop. 64. Abfolutionis capax est homo, quantumvis laboret ignorantia mysteriorum fidei, & etjamsi per negligentiam etiam culpabilem nesciat musterium SS. Trinitatis, & Incarnationis D. N. J. C. Hinc in articulo mortis debet confesiarius breviter talem ignorantem instruere de his mysteriis, antequam absolvat. At, si nullum omnino esset tempus instruendi, absolvere eum potest, ac debet sub conditione; quia in tall casu potest, ac debet uti prima opinione probabili, & conditio apposita falvat reverentiam debitam Sacramento: in dicta enim propositione solum damnatur, quod fit Capax absolutionis licitæ, non autem absolutionis validæ; cum adhuc hodie maneat probabilis prima illa fententia: unde etiam infert March. apud Dian. p. 5. t. 13. r. 84. non esse repentendas confessiones sactas ab eo, qui ignorabat hæc mysteria, quia probabile est, quod fit valide absolutus: v. dicta tr. 2. d. 1. q.1.c.1. S. 2. quæsito 3.

Dico tertio: Qui five culpabiliter, five inculpabiliter ignorat reliqua Mysteria Fidei ab omnibus scienda, & credenda ex necessitate præcepti, regulariter non est absolvendus, donec addiscat. Ratio est, quia hæc Mysteria sunt Symbolum Apostolorum, oratio Dominica, præcepta Decalogi, & Ecclesiæ, Sacramenta omnibus necessaria, scilicet Baptismus, Pænitentia, Eucharistia, & quæ ad hæc recipienda requiruntur. Sed, qui talia ignorat, quamvis proponat addiscere, tamen ex communiter coutingentibus præsumitur, quod nolit esticative addiscere; ergo regulariter differenda est ei absolutio, donec addiscat. Dixi regulariter; nam in articulo mortis est absolute absolvendus: item in casu necessitatis communicandi ad vitandum scandalum, aut infamiam

aut aliud grave damnum; modo doleat de sua negligentia, si fuit negligens, & proponat postea addiscere. Cæterum præceptum hæc addiscendi memoriter ex confuetudine solum obligat sub veniali: Nav. Lop. & alii contra Barbos. Quare, si ea ita impersecte sciat, ut saltem interrogatus sciat respondere, potest licite absolvi, etsi nesciat ea memoriter recitare. Si vero nec sciat respondere, instrui prius debet, vel remitti ad Parochum, qui tenetur ex officio eum instruere. At, si quis sit adeo stolidus, ut nullam propriam rationem de his Mysteriis formare queat, est quoad hoc adnumerandus inter insantes, & perpetuo amentes: Tann. Vide dicta S. supra cit. n. 2. quæsit. 6,

## S. II.

## Quid de babente occasionem proximam?

ccasio peccandi alia est remota, alia proxima. Remota dicitur, in qua quis nunquam, aut raro admodum peccavit, nec prudenter timet, fe peccaturum: ut si decies accesserit ad tale consortium, & nunquam, aut forte femel, seu raro, & potius veluti casu est laplus; & huic per le loquendo non videtur neganda ablolutio, ex eo præcise, quod nolit eam occasionem deserere, quia aliter deberemus exire ex hoc mundo, ut loquuntur Theologi ex Ap. 1. ad Cor. 5. Proxima occafio dicitur, in quas quis frequenter peccavit, vel prudenter timet, se peccaturum: ut si decies accesserit, & octies, vel septies est lapsus, ea est occasio certe proxima; si vero ter, aut quater, est probabiliter proxima: Gob. in Exper. t. 7. num. 527. Et huic est omnino deneganda abfolutio, fi nolit deferere talem occasionem proximam peccandi mortaliter; quia jam est ei voluntaria; ideoque actuale peccatum, ex illo Eccl. 3. Qui amat periculum, peribit in illo, hoc est ipse amor periculi peccatum est, ut explicant Doctores communiter: idque verum est, etiamsi periculum sit probabiliter proximum, cum hoc etiam fit præsens animæ malum: Carden. & alii contra Caram. Gob. & Mendo. Hinc ab Inn. XI. damnatur hæc Prop. 61. Potest aliquando absolvi, qui in proxima occasione peccandi versatur, quam potest, & non vult omitters.

Dubium

abili-

mem,

Ratio

roba-

ntum

Suar,

elle

alem

opi-

одце

quod

odem omo,

et-

c in

lvat.

tali , &

nen-

luod onis

illa

2. 5.

s ab

elt,

c. I.

liter

, & est

ica,

bus

ltia, alia

om-

1C3=

010

110

ita-

am,

Dubium est, An talis absolvi possit, antequam tollat occasionem proximam, si serio promittat eam tollere?

Negant Con. Azor. Carden. & alii; quia, qui acresfit ad Confessionem, antequam illam tollat, præsumitur, nolle eam deserere; & in hoc, quod ea non deseritur, quando potest deseri, peccatur. Sed probabilius Suar. d. 32. f. 3. Cajet. Tamb. Cordub. & alii communiter affirmant; quia potuit poenitens immediate ante audiendo concionem, vel iplius Confellarii admonitionem, aut alia ex causa, excitari ad verum dolorem. & efficax propositum tollendi illam, ita ut possit prudenter prasumi, quod de præsenti eam nolit imposterum retine-re: ergo potest absolvi saltem prima vice; nam de alis vicibus dicam S.3. Excipe tamen cum Tambur. publicum peccatorem, qui propter fcandalum debet ejicere concubinam publicam, antequam absolvatur: excipe etjam in hac Diœcesi Neapolitana concubinarium, quem non possumus absolvere ante bimestre à separatione, juxta dicta in Append. c. 2. S. 2.

Quæres primo, An possit absolvi, qui versatur in occasione proxima necessaria, quam scilicet non potest tollere physice, vel moraliter?

Respondeo affirmative, Si aliunde ex signis veri doloris, & propositi prudenter præsumi posiit, eum non relapsurum. Ratio est, quia talis occasio materialiter accepta est ei involuntaria; & ex dictis signis præsumi potest, quod non erit amplius voluntaria formaliter, & in ratione peccati: ergo non est, cur non possit absolvi. Sic abiolvi potest, qui in eodem carcere detinetur cum concubina, quia est occasio physice necessaria: item Mancipium cohabitans apud dominum cum domeflica fecum peccante, quia est occasio moraliter necelfaria, cum non possit deserere dominum sine injustita. Item filiusfamilias, quamvis domi adfit ferva, vel alia, cum qua consuevit peccare, & quam ipse expellere domo non potest; & a fortiori, si cum fratre, sorore habet occasionem peccandi, à quorum convictu moraliter se jungi nequit : Tamb. de Confess. 1. 3. c. 3. n. 8. Item dic de eo, qui domum, officium, artem, mercaturam, de in quibus frequenter peccavit, deferere non potest inte valde gravi damno, quod fubire vires humanas inperat; puta, il deserendo incidat in periculum vitæ, scandall,

infamiæ, mendicitatis, ac miferiæ: Laym. 1.5. t. 6. c. 4. num. 9. Tenentur tamen hi omnes orationibus, jejuniis, ciliciis, frequentia Sacramentorum, aliisque remediis (præfertim iis, quæ pro cujusque necessitate, ac facultate suggeret Confessarius) reddere, quantum possunt, periculum illud à se remotum; sic enim deserunt occasionem illam formaliter, quando non possunt etiam materialiter: Doctores communiter.

Quæres fecundo, An positi absolvi, qui non potest tollere occasionem proximam sine aliquo incommodo non valde gravi, si eam nolit tollere?

Respondeo negative, Quia, si damnum non est valde grave, non affert impotentiam moralem, seu superantem vires humanas ad illam rejiciendam: ergo præfumitur, quod occasio sit ei voluntaria, adeoque actu peccaminofa, & consequenter non est absolvendus, quamvis dicat firmissimum habere propositum non amplius peccandi in illa : cum hoc ipfum nolle talem occasionem tollere sit peccare, & facta fint contraria dictis. Hinc damnatur ab Alex. VII. Prop. 41. Non est obligandus concubinarius ad ejiciendam concubinam, si hæc nimis utilis esset ad oblectamentum concubinarii, vulgo regalo, dum deficien-te illa nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur. Idem est, etsi illam ejiciendo amitteret lucrum in negotio, cui illa fit necessaria, vel non posset recuperare, v. g. 100. aureos, quos illi mutuo dedit; quia ad retinendam proximam occasionem materialem non sufficit quæcunque utilitas, sed requiritur periculum damni valde gravis, quale effet, si v.g. non recuperando dictos 100. aureos, incideret in gravissimam necessitatem, & mendicitatem, ac miseriam, cui non posset alia via occurrere: Mendo v. Occasio. Idem dic de aliis occafionibus odii, rixæ, blasphemiæ, detractionis, delectationis morofæ &c. Imo nec potest absolvi, qui directe quærit occasionem proximam pro quocunqe bono temporali, vel spirituali, sive suo, sive alieno; ut constat ex Prop. 62. Proxima occasio peccandi non est fugienda, quando causa aliqua utilis, aut honesta non fugiendi occurrit, & 63. Licitum est quærere directe occasionem proximam peccandi pro bono spirituali, vel temporali nostro, vel proximi, damn. ab Inn. XI. quia ejusmodi caufæ non efficient, utilla occasio non sit directe volita, atque adeo R.P. Nicol, Mazzotta Theol, Mor. Tom. III.

tollat

lere?

eccef-

nitur,

ritur,

Suar.

affir-

endo aut

fficax

præ-

aliis

icere

e et-

quem

one,

1 00-

oteit

i do-

non

ac-

po-

biol-

etu

rial

me-

cel-

itia.

alia,

do-

abet

le-

tem

&c.

fine

rat;

ali,

niæ,

peccaminosa. Dixi, qui directe quarit; nam Consessarius, Chirurgus &c. qui sape lapsi sunt in turpes consensus, audiendo confessiones, medendo, &c. absolvi possunt, si proponant, non quarere directe eas occasiones: quamvis parati sint audire confessiones, mederi &c. ab aliis rogati, & sanctis cogitationibus muniti; Doctores communiter.

# §. III. Quid de Recidivo?

RECIDIVUS dicitur, qui post prenitentiam relabitur in idem peccatum, sive ex fragilitate, aut consuetudine, sive ex occasione extrinseca.

Dico: non potest absolvi recidivus, si nulla appareat spes emendationis, etiamsi ore proferat, se dolere, & proponere emendationem: potest tamen absolvi, si aliqua appareat spes emendationis. Ratio deducitur ex Prop. 60. damnata ab Innoc. XI. Panitenti habenti confuetudinem peccandi, etfi emendationis spes nulla appareat, nec est neganda, nec differenda absolutio, dummodo on proferat, se dolere, & proponere emendationem: ergo, si aliunde appareat spes emendationis, potest licite absolutionis. vi. Porro figna talis spei sunt : si à confessione facta allquanto rarius, difficilius, aut tardius peccavit: fifæpius fibi vim fecit, occasiones aliquas formales vitavit, locum, & tempus relabendi aliquando præcavit : fi remedia aliqua adhibuit, præfertim ex præferiptis à Confessirio: si sponte sua, & non ab aliis compulsus ad contelfionem, & præsertim ad eundem Confessarium accedat: fi statim post peccatum dolore tactus confiteri statut, vel post multam luctam tandem resolvit: si initio graviora dicat, accuset se etiam de alias omissis, solicite exponat numerum, & minutas circumstantias, curetque, ut omnia bene intelligantur: fi petat efficaciora remedia, defideret, aut alacriter acceptet magnam poenitentiam, optet pati ad satisfaciendum Deo, injurias ultro condonet, &c. Hæc, vel aliqua horum prudenti Confessario esse possunt argumenta sperandi emendationem, adeoque bonæ dispositionis de præsenti, & consequenter potest licite absolvere: Croix n. 1733. Contra vero, fi nihil horum appareat, etiamfi ore proferat, se dolere, & proponere emendationem, nequit absolvi, cum in hoc tali nulla appareat spes emendationis.

Infers primo: Si recidivæ peccati proveniant ex sola fragilitate, aut consuetudine, non peccare Confessarium, si talem absolvat toties, quoties assulget ex prædictis signis spes aliqua emendationis, quia sic pænitens ex parte sui aliquid affert: Laym. Lezan. Croix n. 1822. & D. Jeron. relatus c. Septies d. 4. de Pænit. ait, Non solum septies, sed septuagies septies delinquenti, si convertatur ad pænitentiam, peccata condonentur. An autem sit consilium differre huic absolutionem, pendet ex prudentia Confessarii; si enim pænitens id non multum ægre ferat, & speretur, non ob id retrahendum à confessione, sed potius id fore medicinam, erit consilium differre absolutionem majori suavitate adhibita: si autem oppositum speretur, non erit consilium, nisi quando ille his peccatis magnum præberet scandalum: ita Sanch. 1. 2. Decal. c. 33. num. 45.

Infers secundo, Si recidivæ proveniant ex occasione extrinseca, quam potens non deseruit, uti in priori Confessione promisit, neque peccare Confessarium, si absolvat secunda vice, si similiter appareat spes emendationis, & propositi eam mox tollendi: Suar. d. 32. s. 3. & alii communius contra Fill. Con. Azor. & alios; sic etiam passim absolvitur pœnitens per hoc, quod serio proponat restituere, quamvis antea admonitus non restituerit. Addunt Cajet. Cordub. & alii, quod possit etiam tertia, & quarta vice, præsertim, si adsint specialia signa doloris, & propositi. Quod maxime valet, cum urget Præceptum communionis Paschalis, aut necessitas ad vitandum scandalum, infamiam, &c. aut non sit ille habiturus opportunitatem redeundi, aut si alias non lucraretur indulgentiam, juxta dicta c. 2.

Quæres, An possit absolvi pænitens, qui versatur in occasione proxima sibi necessaria, & adhibitis omnibus remediis semper labatur, ut prius?

Respondeo, non posse absolvi, nisi proponat, eam deserere etiam cum periculo omnium bonorum samæ, vitæ, &c. Ita Cajet. Nav. Lop. Regin. & alii communiter contra Pal. Tamb. Pallay, Gob. & alios. Ratio est, quia sugiendum est periculum formale peccati, Mm 2

fin-

on-

olvi

ilio-

deri

iti:

itur

fue-

reat &

ali-

ex

eat,

ore

Ţ0,

lole

ali-

ius

10-

ne-

ffa-

el-

at:

ut,

Tak

ite

et-

ora

œ.

125

la-

or

n. e.

at,

etiam cum periculo vitæ, si aliter vitari non possit; velle enim manere in illo est velle peccatum, & quisque tenetur potius mori, quam peccare: ergo, si hie nequit essicere, ut occasio illa necessaria evadat sibi remota formaliter, tenetur eam deserere etiam cum quovis suo damno; & consequenter, si nolit, non est absolvendus, utpote indispositus. Neque hinc inferas, quod neque posset absolvi, qui similem habens occasionem peccandi venialiter, nolit eam deserere: nam, licet similis esset obligatio, cum præstet potius mori, quam peccare etiam venialiter; tamen hæc obligatio est sub levi, ideoque absolutio cadere posset in alia ejus peccata.

## QUÆSTIO V.

De Sigillo Confessionis Sacramentalis.

VIDENDUM, Primo, Quid fit Sigillum Confessionis, & Quæ ejus Materia? Secundo, Quos, & ad Quid obliget? Tertio, An possit aliquando Confessarius uti notitia habita in Confessione?

#### CAPUT I.

Quid sit Sigillum Confessionis, & quæ ejus Materia?

Dico primo: Sigillum confessionis est strictissima obligatio non revelandi, neque directe, neque in directe ea omnia, quæ cognita sunt ex confessione Sacramentali alterius, & quorum revelatio redderet confessionem odiosam: Doctores communiter. Ratio talis obligationis deducitur non solum ex jure naturali, & Ecclesiastico, sed præcipue ex jure Divino per traditionem noto, quo Christus indispensabiliter nosuit, tale sigillum posse revelari, ne pro salute quidem Confessionaut ipsius pænitentis, aut etiam totius mundi; ne scilicet periculum sit, confessionem Sacramentalem à se institutam reddi Fidelibus suis odiosam. Hinc dissert Sigillum Sacramentale à secreto naturali, quia oritur unice ex confessione, & ex jure tum naturali, tum divine